



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

„თბილქალაქმშენი“

„თბილქალაქმშენი“, დედაქალაქის მთავარი სამშენებლო ორგანიზაცია. შეიქმნა 1925. წლების განმავლობაში სხვადასხვა სახელი ერქვა („ახალმშენი“, „სკოლმშენი“, „თბილმშენი“, „მთავართბილმშენი“). „თბილმშენი“ შეიქმნა 1935. 1947 მას შეუერთდა ტრესტი „ინჟმშენი“. 1957 „თბილმშენი“ გადაკეთდა საცხოვრ. და სამოქალაქო მშენებლობის სამმართველოდ - „მთავართბილმშენად“, რ-საც 1959 გამოეყო „თბილგაზმშენი“. 1963-იდან „მთავართბილმშენი“ საქართვე. მშენებლობის სამინისტროს შემადგენლობაში შევიდა; მას ევალებოდა ქალაქის მეურნეობის რეკონსტრუქცია, საცხოვრებელი, კულტ. და საყოფაცხოვრებო დანიშნულების ობიექტების მშენებლობა, დაგეგმარება და ა. შ. 30-იან წლებში აიგო „იმელისა“ და ცირკის შენობები, ფუნიკულიორის ბედა პლატო, რეკონსტრუქცია ჩაუტარდა ახლანდ. თავისუფლების მოედანსა და ბარათაშვილის აღმართს. განსაკუთრებით მასშტაბური სამუშაოები ჩატარდა II მსოფლიო ომის შემდგომ პერიოდში: აშენდა კინოთეატრი ს. შაუმიანიის ქუჩაზე (ახლანდ. ქეთევან დედოფლის გამზირი), „საქჩაის სახლი“, სკოლები, საცხოვრ. სახლები, სპორტის სასახლე, სას.-სამ. ინ-ტი დილოში, ქორწინების სახლი დ. უზნაძის ქუჩაზე, ფილარმონიის დიდი საკონცერტო დარბაზი, სასტუმროები: „საქართველო“, „ივერია“, „აჭარა“, „აფხაზეთი“, ფიზკულტ. და ვეტ. ინ-ტები, თსუ-ის მაღლივი კორპუსი, საცურაო აუზი ვაკეში, მეტეხის, ვერის, დიდუბის (ახლანდ. გალაკტიონის სახ.) ხიდები, ყველა კომუნიკაცია - მტკვრის სანაპიროზე; ხელნაწერთა ინ-ტი; განახლდა ლოკომოტივის ძვ. სტადიონი, დაიდგა შოთა რუსთაველისა და ა. გრიბოედოვის ძეგლები; აშენდა ტელეცენტრი, კავშირგაბმ. სამინისტროს, სამეცნ.-ტექ. ბიბლიოთეკის, ჭადრაკის სასახლის შენობები; საცხოვრ. მასივები და სახლები (საბურთალო, ნუცუბიძის ბემო პლატო, ვარკეთილი, ვაზისუბანი, „სამგორი“, „თემქა“, „მუხიანი“, გლდანი, დილომი, დიდი დილომი, ყოფ. მერვე ლეგიონი, ქვემო და ბემო ფონიჭალა ხევძმარი, ვაშლიჯვარი და სხვ.). „მთავართბილმშენის“ ხელმძღვანელები სხვადასხვა დროს იყვნენ: კ. მორეტი, ა. ჩიტაშვი-

ლი, გ. ვაშაკიძე, გ. კვიციანი, ი. ქვეციანი შვილი, თ. ჯანაშია, ა. თოფურია. 1975 „მთავართბილმშენს“ სახელწოდება შეეცვალა და „თბილქალაქმშენი“ დაერქვა.

1995 გაერთიანება „თ.“ დაიყო სააქციო საზოგადოებად, შეიქმნა 17 სააქციო საზ-ბა, 1997 კი მოხდა მათი პრივატიზაცია.

იხ. აგრეთვე სტ. თბილისი (თავი არქიტექტურა).
